

Fundacion FAVI kier pa pueblo mira loke e tin di ofrece



ORANJESTAD(AAN): Fundacion FAVI tabata tin un actividad specialmente pa publico. Meta di esaki ta pa invita tur hende pa bin FAVI pa experiencia situacion y momentonan di bida di esnan visualmente incapaci of completamente ciego.

Segun trahado social Ghislaine Rosa de Cuba, ta importante pa laga publico en general sa, kico FAVI ta brinda na e personanan cu limitacion di bista. Tambe hopi biaha tin personanan cu ta pensa cu nan no ta bay FAVI pa busca informacion, pasobra no tin un famia cu tin limitacion di bista. Pero sin cu nos sa, tur dia nos por topa un persona cu limitacion di bista na trabao, na school, riba caya, na banco, na biblioteca, na Censo. Si nos sa hopi mas di nan, por brinda nan e ayudo hopi mas specifico.

Hopi biaha nos ta haya duele sin cu nos bay haci'e pe, y ta stroba e persona desaroya den su bida nobo, y haci'e menos dependiente posibel.

Ta pesey ta stimula hopi biaha laga e persona mes haci, te con leu cu e por. Tin hopi medionan

auxiliar, y tin hopi maneranan nobo cu nan a desaroya pa por brinda e personanan aki e momento cu nan por sigui desaroya den nan bida diario y pa nan ta mas independiente posibel.

FAVI ta hopi satisfecho cu e actividad aki. E registracion tabata full. Tambe tin personanan cu a bin y no a registra, pero toch ta hopi contento cun'e. Bida den bista di un persona visualmente incapacita

Dani Boekhoudt ta un persona visualmente incapaci ya pa 7 aña caba. E tin 28 aña di edad. El a splica cu na momento cu el a perde su bista, tabata un comienso nobo pe. Den bida nada no ta facil pa ningun hende, pero bo tin cu siña acept'e. Bo ta deal y biba cun'e. Den bida tin hende ta pasa den mas duro cubo.

Dani ta un hende cu e ta drumi y lanta feliz y cu animo, cu energia positivo, pasobra e mester demostra hende eyfo, cu esnan visual incapaci, nan bida no a caba. Por haci hopi cos.

E unico cos cu nan no por haci den nan bida ta mira. Bo por

pensa bo mes cu Dani por cushina, laba paña, e ta bay FAVI haci gym, haci hopi cos den su bida. Unico cos cu e no ta haci ta wak.

Tin ora e no ta bay con abo ta sinti, e ta bay hopi biaha con hende ta lagabo sinti. Hopi biaha tin hende tin e mentalidad cu ora bo no tin bo bista mas, bo no por haci nada. Esey ta completamente robes.

Por haci hopi cos, pero mester e guia pa nan por haci loke nan mester haci.

Dani ta un persona cu e ta haci hopi cos, pero door cu e tabata tin su bista y a keda cu e tactica di su mes. Dani mes ta make up su mes, e ta bisti su mes, e ta drecha su mes y tambe, awendia mundo ta asina avansa y tecnologia, por usa nan telefon y ta laga nan saca potret, ta bisa ki colo e ta y ta bira menos dependiente di un persona.

Dani ta manda un simpel mensahe. Nan no ta mira, pero tene cuenta cu nan, pasobra nan tambe ta conta den e comunidad grandi cu ta forma un solo mundo.

